

# NASIONALE SENIOR SERTIFIKAAT

**GRAAD 12** 

**AFRIKAANS TWEEDE ADDISIONELE TAAL V1** 

**NOVEMBER 2012** 

**KWAZULU-NATAL** 

**PUNTE: 120** 

TYD: 21/2 uur

Hierdie vraestel bestaan uit 22 bladsye.

## **INSTRUKSIES EN INLIGTING**

1. Hierdie vraestel bestaan uit VIER afdelings.

AFDELING A:	Leesbegrip	VRAAG 1	(30)
AFDELING B:	Opsomming	VRAAG 2	(10)
AFDELING C:	Taal	VRAAG 3-6	(60)
AFDELING D:	Letterkunde	VRAAG 7–8	(20)

- 2. Lees die instruksies noukeurig deur.
- 3. Beantwoord AL die vrae.
- 4. Begin ELKE afdeling op 'n NUWE bladsy.
- 5. Nommer die antwoorde korrek volgens die nommeringstelsel wat in hierdie vraestel gebruik is.
- 6. Laat 'n reël oop na elke antwoord.
- 7. Skenk veral baie aandag aan spelling en sinskonstruksie.
- 8. Skryf netjies en leesbaar.


AFDELING A: LEESBEGRIP

VRAAG 1

TEKS A: TYDSKRIFARTIKEL

Lees die tydskrifartikel hieronder en beantwoord die vrae.

# STANLEY SE NUWE HART KLOP WARM VIR DIE LEWE



- 1. Stanley Henkeman (53) het eers 'n hartaanval en toe 'n hartoorplanting oorleef. Dit het hom anders oor die lewe laat dink. Hy is nou 'n atleet wat aan wêreldkompetisies deelneem.
- 2. Stanley was 'n hoërskoolonderwyser van Muizenberg, buite Kaapstad. Hy was op 'n staptog by Swellendam saam met sy seun, Luke, en twee ander seuns, toe hy tien jaar gelede 'n hartaanval gehad het.
- 3. "Binne die eerste uur het ek begin sweet. Ek het pyne in my bors gekry. Toe begin ek opgooi. Die veldwagter het my na die hospitaal toe geneem," vertel Stanley. By die Groote Schuur-hospitaal in Kaapstad het die dokters vir hom gesê dat 'n deel van sy hart baie skade opgedoen het.
- 4. Stanley kon nie verstaan waarom hy 'n hartaanval gekry het nie omdat hy baie fiks was en hard geoefen het. Stanley se pa was baie gesond, maar sy oupa het ook 'n hartaanval gehad.
- 5. Die jaar na die hartaanval was baie moeilik vir Stanley. Wanneer hy oefeninge gedoen het, het hy opgegooi of flou geword. Hy was so moeg dat hy nie eers 20 treë kon loop nie.
- 6. Stanley moes 'n nuwe hart kry, maar daar was nie 'n hart beskikbaar nie. Sy naam is op die skenkerslys geplaas en hy moes wag vir 'n skenker. Na 'n jaar het hy 'n oproep gekry. Die dokter het hom laat weet dat daar 'n hart was om oor te plant.

(1)

# NSS (KwaZulu-Natal)

- 7. Hy is dadelik na Christiaan Barnard-gedenkhospitaal geneem. Die operasie het ses uur geduur. Na die operasie was hy baie bly dat hy nog geleef het en dat hy weer maklik kon asemhaal.
- 8. Stanley het skuldig gevoel om iemand anders se hart te kry. Hy het geweet iemand het doodgegaan om die hart vir hom te gee. Later het hy uitgevind dit was 'n jong man se hart. Die jong man wat in Port Elizabeth gebly het, is in 'n motorongeluk dood.
- 9. Stanley se nuwe hart het na die operasie warm geklop. Hy kon weer aan sport deelneem. Hy sê: "Almal wat die artikel lees, moet daaraan dink om 'n orgaanskenker te word. Hulle kan soveel lewens red."
- [Verwerk uit *Huisgenoot*, 3 November 2011] 1.1 Hoe oud is Stanley Henkeman? (1) 1.2 Stanley het die hartoorplanting gehad en daarna 'n hartaanval. 1.2.1 Is hierdie stelling WAAR of ONWAAR? (1) 1.2.2 Motiveer jou antwoord op VRAAG 1.2.1. (1) 1.3 Watter soort werk het Stanley eers gedoen? (1) 1.4 Hoe lank gelede het Stanley 'n hartaanval gehad? (1) 1.5 By watter dorp het Stanley, sy seun en die twee maats gaan stap toe hy 'n hartaanval gekry het? (1) 1.6 Wie het vir Stanley hospitaal toe geneem? (1) 1.7 Verduidelik wat bedoel word wanneer ons sê dat daar hartsiektes in Stanley se familie was. (1) 1.8 Na sy hartaanval kon Stanley nie baie ver op 'n dag stap nie. 1.8.1 Is hierdie stelling WAAR of ONWAAR? (1) 1.8.2 Motiveer jou antwoord op VRAAG 1.8.1. (1) 1.9 Hoe lank moes Stanley wag om 'n hart te kry vandat sy naam op die lys geplaas is? (1) 1.10 Kies die KORREKTE antwoord. Skryf slegs die vraagnommer en die letter (A-D) neer. Watter twee simptome van 'n hartaanval het Stanley op die staptog gehad? Hy het pyne in die bors gekry en het opgegooi. Α Hy het pyne in die bors gekry en het flou geword. В C Hy het opgegooi en flou geword.

Kopiereg voorbehou Blaai om asseblief

Hy het opgegooi en moeg geword.

1.11	Wat kon Stanley maklik doen na die operasie?		
1.12	Hoekom	het Stanley skuldig gevoel na die operasie?	(1)
1.13	Met sy nuwe hart moes Stanley alle sport los.		
	1.13.1	Is hierdie stelling WAAR of ONWAAR?	(1)
	1.13.2	Motiveer jou antwoord op VRAAG 1.13.1.	(1)
1.14	Voltooi di	ie sin.	
	Kies die KORREKTE antwoord uit die raampie hieronder om die sin te voltooi. Skryf slegs die antwoord neer.		
	, ,	go ano annino coa moch	
		Muizenberg; Groote Schuur; Port Elizabeth	
			(1)
1.15	Stanley h	Muizenberg; Groote Schuur; Port Elizabeth	(1)
1.15	Stanley h Die spreedinge goe	Muizenberg; Groote Schuur; Port Elizabeth  net sy hart gekry van iemand wat in gewoon het. ekwoord "Daar is lig aan die einde van die tonnel" beteken dat	(1) (1)
1.15	Stanley h Die spree dinge goe Hoekom het?	Muizenberg; Groote Schuur; Port Elizabeth  net sy hart gekry van iemand wat in gewoon het. ekwoord "Daar is lig aan die einde van die tonnel" beteken dat ed sal eindig, al lyk dit nie aan die begin so nie.	` `

# **TEKS B: INFORMATIEWE TEKS**

Lees die informatiewe teks hieronder en beantwoord die vrae.

SABC 2			
06:00	Morning Live		
08:50	Thabang, Thabang		
09:50	Takalani Sesame		
11:50	Dr Phil		
13:25	Days of our Lives (H)		
15:00	7de Laan (H)		
15:30	Muvhango (H)		
17:30	News		
18:00	Nhlalala Ya Rixaka		
18:27	( )		
	vaarsku vir Kabelo om nie met		
	rs nie. Oubaas raai wie die denaar kan wees.		
19:00	News		
19:30			
	s die vlag in die administratiewe		
	hoofstad en maak pasta vir die Bokke. Reis		
	otchefstroom.		
20:30	Nuus		
21:00	Muvhango		
21:30	Stokvel (H)		
	n Mathilda se troue is om die draai.		
	erkeerd kan gaan, gaan verkeerd.		
22:00	Jacob's Cross IV (16)		
23:00	Matric Revision		
00:00	Smallville (OL 13) (H)		
* Allo in	liating our uitopoitus as		
	ligting oor uitsaaitye en minhoud was teen druktyd korrek.		
	nal. G: Geweld. H: Herhaling.		
OL: O	uerleiding. T: Slegte Taal.		
*** TV-ske	edulenavrae vir SABC: 011 714 9797		

[Verwerk uit Beeld, 19 Oktober 2011]

1.18	Skryf die program neer wat om 09:50 begin.	(1)
1.19	Watter simbool dui aan dat almal na 'n program kan kyk?	(1)
1.20	Wie waarsku vir Kabelo in 7de Laan om nie met Zinzi te mors nie?	(1)
1.21	Hoe laat word die nuus in Afrikaans uitgesaai?	(1)
1.22	Watter kos word in Pasella spesiaal vir sportmanne gemaak?	(1)

1.23	Kies die KORREKTE antwoord. Skryf net die vraagnommer en die letter (A–D) neer.			
	Wat betel	ken dit as die troue <u>om die draai</u> is?		
	B Die C Die	bruidegom is laat vir die troue. paartjie het besluit om nie meer te trou nie. troudatum is naby. paartjie kan nie alles voor die troue doen nie.	(1)	
1.24		kan nie sê dat alle programme presies volgens die skeduletyd sal word nie.		
	1.24.1	Is hierdie stelling WAAR of ONWAAR?	(1)	
	1.24.2	Motiveer jou antwoord op VRAAG 1.24.1 deur 'n sin uit die informatiewe teks aan te haal.	(1)	
1.25	Hoekom,	dink jy, word Matric Revision so laat in die aand uitgesaai?	(1)	
1.26	Wat doen	SABC 2 om mense wat verskillende tale praat, tevrede te stel?	(1)	
		TOTAAL AFDELING A:	30	

# **AFDELING B: OPSOMMING**

#### **TEKS C**

#### **VRAAG 2: DIE SIMBOLIEK VAN KLEUR**

- Som die **simboliek** van verskillende kleure in SEWE sinne op.
- Skryf die stappe PUNTSGEWYS neer.
- Nommer die sinne van 1 tot 7.
- Jou opsomming mag nie langer as 60 woorde wees nie.
- Dui die KORREKTE getal woorde aan die einde van die opsomming aan.

#### **ROOI**

Rooi is een van die primêre kleure en ook die kleur van bloed. Dit is 'n gewilde kleur om op Valentynsdag te dra. Rooi is 'n teken van liefde.

#### **GROEN**

Groen is die kleur vir groei. Die mens se oog is gewoond aan hierdie kleur in die natuur. Bome is mos groen in die lente. Blare wat dus nie groen is nie, is dood.

#### **ORANJE**

Wat maak 'n vuurtjie so gesellig? Dit is die kleur van die vlamme wat so warm en hartlik is. Om hierdie rede is oranje die kleur wat gebruik word om vuur voor te stel.

#### **GEEL**

Geel straal vriendelikheid uit. Hierdie kleur is die ideale kleur om te dra op dae wat jy nie goed voel nie, want geel help om 'n mens se gees op te hef.

#### **BLOU**

Op die kleurwiel lê blou tussen groen en indigo. Op 'n sonnige dag is die hemel helder blou. Blou stel rustigheid voor.

#### **SWART**

Swart is die kleur wat in baie kulture gebruik word om te rou. Wanneer iemand in een van daardie kulture sou sterf, dra die mense swart klere as teken van hulle hartseer.

## WIT

Wit is 'n teken van vrede. Wit duiwe word baie keer vrygelaat wanneer mense ophou baklei of lande na 'n oorlog besluit om nie meer te veg nie.

[Verwerk uit Vrouekeur, 28 Oktober 2011]

**TOTAAL AFDELING B:** 

10

AFDELING C: TAAL

**VRAAG 3: WOORDSTRUKTURE** 

**TEKS D: STROKIESPRENT** 

Kyk na die prent hieronder en beantwoord die vrae.



[Uit: Oxford Life Orientation]

- Skryf net die vraagnommer en die KORREKTE antwoord neer.
- Al die antwoorde in hierdie vraag moet KORREK gespel word.
- 3.1 Gee die korrekte VERKLEININGSVORM van die woord tussen hakies.

Sarah is 'n klein (dogter) en sy leer baie hard.

(1)

3.2 Gee die MANLIKE VORM van die woord tussen hakies.

Sarah se (tante) studeer aan 'n universiteit.

(1)

3.3 Gee die VERGROTENDE TRAP VAN VERGELYKING van die woord tussen hakies.

Sarah is (mooi) as haar suster.

(1)

3.4 Vorm die korrekte SAMESTELLING van die woord tussen hakies.

Sarah se (tennis + skoene) is onder die tafel.

(1)

3.5 Kies die korrekte VOORNAAMWOORD uit die woorde tussen hakies.

Sarah het al (haar/sy/hom) boeke op die tafel gelos.

(1)

3.6	Gee die korrekte VORM VAN DIE WOORD tussen hakies.	
	Sarah studeer hard vir 'n (moeilik) vraestel.	(1)
3.7	Gee EEN WOORD vir die woorde tussen hakies.	
	Die meisie doen haar beplanning (elke maand).	(1)
3.8	Kies die korrekte VOORSETSEL uit die woorde tussen hakies.	
	Die horlosie hang (teen/op/by) die muur.	(1)
3.9	Gee die korrekte VORM van die woord tussen hakies.	
	Op die (drie) September gaan hulle toets skryf.	(1)
3.10	Gee die MEERVOUD van die woord tussen hakies.	
	Sarah gebruik twee (potlood) vir haar beplanning.	(1)
3.11	Kies die korrekte AFKORTING tussen hakies.	
	(Mnr./Mev./Ms.) Gert Pieterse is haar onderwyser.	(1)
3.12	Gee die korrekte OORTREFFENDE TRAP VAN VERGELYKING van die woord tussen hakies.	
	Sy is die (oulik) meisie in die klas.	(1)
3.13	Gee 'n SINONIEM (woord met dieselfde betekenis) vir die woord tussen hakies.	
	Al Sarah se vriendinne in haar klas skryf (pragtig).	(1)
3.14	Gee 'n ANTONIEM (woord met die teenoorgestelde betekenis) vir die woord tussen hakies.	
	Sarah is bang sy gaan haar eksamen (slaag).	(1)
3.15	Kies die korrekte TUSSENWERPSEL tussen hakies.	
	(Sjoe/Foei tog), die vraestel was moeilik.	(1)
3.16	Gee die korrekte INTENSIEWE VORM vir die woord tussen hakies.	
	Baie van die leerders is (baie bang) vir die eksamen.	(1)
3.17	Kies die korrekte LIDWOORD tussen hakies.	
	Sarah sal in (die/n) toekoms goeie uitslae kry.	(1)

- 3.18 Kies die korrekte spelling van die WOORD tussen hakies.
  - Sarah wil graag (volgende jaar/volgendejaar) verder studeer.

(1)

- 3.19 Kies die korrekte WOORD tussen hakies.
  - Die onderwyseres (help/hulp) Sarah met haar beplanning.

(1)

- 3.20 Gee EEN WOORD vir die woorde tussen hakies.
  - Sarah het haar eie (penne, skryfpapier, potlode) gebruik in die eksamen.

(1) **[20]** 

#### **VRAAG 4: SINSTRUKTURE**

## **TEKS E**

Kyk na die prent hieronder en beantwoord die vrae. Skryf elke keer die hele sin uit.



[Uit: LO Vandag Graad 10]

4.1 Skryf die sin oor in die TEENWOORDIGE TYD.

Ouma het saam met die familie gekuier.

Begin só: Ouma ... (1)

4.2 VERBIND die sinne met die woord tussen hakies.

Ouma sit in 'n gemaklike stoel. Sy is oud. (want) (1)

4.3	Voltooi die INFINITIEF. Skryf die hele sin oor. <b>Begin só:</b> Die familie het onthou Ouma geluk wens.	(1)
4.4	Vul die KORREKTE VRAAGWOORD in sodat die onderstreepte deel van die sin die antwoord is.	
	Simon staan op die stoel.	
	staan op die stoel?	(1)
4.5	Kies die KORREKTE ANTWOORD. Skryf die hele sin uit.	
	Die son hoef nie (te/om te) skyn as ons braai nie. <b>Begin só:</b> Die son hoef nie	(1)
4.6	Skryf die sin oor in die INDIREKTE REDE.	
	Ouma sê: "Ek is baie gelukkig." <b>Begin só:</b> Ouma	(1)
4.7	Kies die korrekte BETEKENIS van die onderstreepte idioom. Skryf net die vraagnommer (4.7) en die KORREKTE letter neer.	
	Ouma is <u>in die wolke</u> oor haar geskenk. <u>In die wolke</u> beteken	
	<ul> <li>A Ouma is baie bly.</li> <li>B die wolke pak saam.</li> <li>C daar is moeilikheid in die toekoms.</li> <li>D iemand word hemelhoog geprys.</li> </ul>	(1)
4.8	RANGSKIK die groepe woorde tussen hakies in die korrekte volgorde.	
	Die manne kuier (om die vuur) (baie lekker) (die hele middag). <b>Begin só:</b> Die manne kuier	(1)
4.9	Skryf die sin oor en begin met die VETGEDRUKTE woorde.	
	Ouma vier haar verjaarsdag <b>een keer per jaar</b> . <b>Begin só:</b> Een keer per jaar	(1)
4.10	Watter spreekwoord pas die beste by die prentjie? Skryf net die vraagnommer (4.10) en die KORREKTE letter neer.	
	Die kat het hom vir die muis geskrik.	
	A katswink B grafstil C boeglam D doodbang	(1)

	Ouma vra: "Kuier julle lekker?"  Begin só: Ouma vra	(2) <b>[25</b> ]
4.19	Skryf die sin oor in die INDIREKTE REDE.	
	Loer die seuntjie om die deur? <b>Begin só:</b> Nee, die seuntjie	(2)
4.18	Beantwoord die vraag in die ONTKENNENDE VORM.	
	Die familie baklei met mekaar.  Begin só: Die familie	(2)
4.17	Skryf die sin oor in die ONTKENNENDE VORM.	
	Die mans braai die vleis op die vuur. Die vleis deur die mans op die vuur	(2)
4.16	Vul die ontbrekende woorde in die LYDENDE VORM van die volgende sin in.	
	Die muis sit onder die tafel. <b>Begin só:</b> Die muis	(2)
4.15	Skryf die sin oor in die TOEKOMENDE TYD.	
	Ouma se kleinkind lê op haar skoot. <b>Begin só:</b> Ouma se kleinkind	(2)
4.14	Skryf die sin oor in die VERLEDE TYD.	
	Die vrouens het die tafel gedek. <b>Begin só:</b> Die tafel	(1)
4.13	Skryf die sin oor in die LYDENDE VORM.	
	Die seun is stout.  Begin só: Die seun	(1)
4.12	Skryf die sin oor in die VERLEDE TYD.	
	Die familie eet lekker. Hulle gaan huis toe. (daarna)	(1)
4.11	VERBIND die sinne met die woord tussen hakies.	

## **VRAAG 5: REDIGERING**

#### **TEKS F**

Jou vriend het 'n artikel vir die plaaslike koerant geskryf. Hy het vir jou gevra om die artikel deur te lees en die foute wat onderstreep is, reg te maak.

# Tieners ... snaakse goed!



- 1 Hier is 'n paar vreemde <u>feit</u> oor tieners wat jy dalk nie geweet het nie.
- 2 As jy tieners se selfone wegneem, raak hulle vaak!
- 3 As deel van navorsing is 80 tieners in 'n klaskamer vir 45 minute toegesluit.
- 4 Die helfte van hulle het hul selfone gehad, die ander helfte nie. Die tieners
- 5 wat nie selfone gehad het nie, het geslaap gou.
- 6 42% van tieners kan met toe oë sms!
- 7 <u>hierdie tieners het nie superkragte nie</u>. Hulle sms so baie dat hulle dit met toe
- 8 oë kan doen. Tieners het in 'n navorsingstudie erken dat hul lewens baie sleg
- 9 sonner hul selfone sou wees.
- 10 Tieners groei so vinnig, hul breine kan nie byhou nie.
- 11 Het tieners al gewonder hoekom hulle heeltyd oor goed val Dis regtig nie
- hulle skuld nie. Tieners groei so vinnig dat hul breine nie kan byhou om hul
- 13 balans te handhaaf nie.
- 14 Neem tieners risiko's? Dis die breine se skuld!
- Volgens 'n studie is tieners se breine so geprogrammeer dat dit vir hulle
- moeilik is om te besluit as 'n situasie gevaarlik is of nie.
- 17 Tieners se slaappatrone kan deur 'n blou gloeilamp verbeter word.
- Sukkel jy om aan die slaap te <u>val</u> en dan weer in die oggend op te staan?
- Dit kan help om te gebruik 'n blou gloeilamp in jou kamer. Hierdie blou lig kan
- 20 help om jy interne horlosie reg te stel.

[Verwerk uit JIP, 17 Augustus 2011]


- 5.1 Gee die **meervoud** van die onderstreepte woord in reël 1. (1)
- 5.2 Skryf die onderstreepte **getal** in reël 3 in woorde. (1)
- 5.3 Skryf die onderstreepte gedeelte in reël 5 oor en verbeter die **woordorde**. (1)
- 5.4 Skryf die woord in reël 7 neer wat met 'n **hoofletter** moet begin. (1)

5.10	Vervang <u>jy</u> in reël 20 met die korrekte woord.	(1) <b>[10]</b>
5.9	Skryf die onderstreepte sin in reël 19 oor en verbeter die woordorde.	(1)
5.8	Verbeter die onderstreepte <b>woord</b> in reël 18.	(1)
5.7	Vervang <u>as</u> in reël 16 met die korrekte woord.	(1)
5.6	Skryf die onderstreepte sin in reël 11 oor en vul die <b>leesteken</b> in wat uitgelaat is.	(1)
5.5	Verbeter die <b>spelling</b> van die onderstreepte woord in reël 9.	(1)

# VRAAG 6: KRITIESE TAALBEWUSTHEID EN INTERPRETASIE VAN TEKSTE TEKS G (Prente in VRAAG 6.1 tot 6.5)

Kyk na die prente hieronder en beantwoord die vrae.

- Kies die antwoord om by elke situasie te pas.
- Skryf net die vraagnommer en die korrekte letter (A–D) neer.



[Uit: Google Images]

Tina is baie **opgewonde** omdat die skool gesluit het vir die vakansie. Kies die sin wat aandui hoe **opgewonde** Tina is.

- A "Sjoe, ek is moeg, maar gelukkig is dit nou vakansie."
- B "Hiert! Die vakansie gaan begin."
- C "Ag, dis alweer vakansie!"
- D "Hoera! Uiteindelik is dit vakansie!" (1)

6.2




[Uit: Google Images]

Die bestuurder is baie **kwaad** vir die werker wat 'n fout gemaak het. Kies die sin wat aandui hoe **kwaad** die bestuurder vir die werker is.

- A "Toemaar, almal maak foute."
- B "Alles reg. Sorg dat dit nie weer gebeur nie!"
- C "Dis jou laaste waarskuwing, loop nou!"
- D "Dis nie so erg nie, vergeet daarvan."

6.3



[Uit: Google Images]

Die seun wil nie skool toe gaan nie en probeer sy pa **manipuleer** om die skoolhoof te bel.


Kies die sin wat aandui hoe die seun sy pa probeer **manipuleer** om die skoolhoof te bel.

- A "Sal Pa die hoof bel en sê ek is siek?"
- B "Ek sal die kar was as Pa die hoof bel en sê ek is siek."
- C "Ek wil nie skool toe gaan nie, bel die hoof!"
- D "Bel die hoof en sê ek is siek."

(1)

(1)

6.4



[Uit: Google Images]

Sipho vra Mavis om te gaan fliek, maar sy is **ongemanierd.** Kies die sin wat aandui hoe **ongemanierd** Mavis is.

- A "Ek gaan nie uit met mans wat nie hulle eie motors het nie."
- B "Jammer, maar my ouers laat my nie toe om uit te gaan nie."
- C "Ek kan nie gaan nie, want ek moet 'n toets skryf."
- D "Ek het reeds die fliek gesien, dankie, maar geniet jy dit."

6.5



[Uit: Google Images]

Piet is verbaas dat Lisa 'n mediese dokter is.

Kies die sin wat aandui hoe **verbaas** Piet is omdat die mooi meisie ook slim is.

- A "Mooi meisies soos jy hoef mos nie te werk nie."
- B "Hoekom soek jy nie net 'n man en trou nie?"
- C "Slim meisies moet trou en in die huis werk."
- D "n Mooi meisie soos jy kan mos nie 'n mediese dokter wees nie?" (1)

[5]

(1)

TOTAAL AFDELING C: 60

(4)

## AFDELING D: LETTERKUNDE

# LUGSPIEËLINGS - Myicelie Pienaar

Hierdie afdeling bestaan uit TWEE VRAE.

Beantwoord EEN van die TWEE vrae.

# VRAAG 7: "AG NEE DANKIE MAN, OUPA!" - H du Plessis

Lees die uittreksel hieronder en beantwoord die vrae.

Laas Saterdag was Ouma se oë nie rooi nie, altans nie sover hy weet nie, want nie sy of sy Oupa was tuis nie. Toe hy met sy ma daaroor praat, het sy net effens gesug soos wanneer sy rapport swak was en toe gesê dat die ou mense ook maar hulle dingetjies het om te doen en dat hy darem nou groot genoeg is om self iets te reël vir Saterdag.

7.1	Waar het Oupa-hulle gaan bly toe hulle van die plaas af getrek het?	(1)

- 7.2 Saam met wie het Kallie Saterdae gekuier? (1)
- 7.3 Wie het vir Kallie uitgenooi om daardie Saterdag saam met hom te gaan? (1)
- 7.4 Waarom het Kallie die plaas gemis? (1)
- 7.5 Voltooi die volgende sinne deur die woorde in die lys hieronder te gebruik. Skryf slegs die vraagnommer (7.5.1–7.5.4) en die woord neer.

100.01	Dani			OLIDO:	ماداه
ma;	Ben:	vrou;	meisie:	ouba:	Joekie
٠٠٠٠٠,	20,	,	,	o a p a,	0000

Ouma was 'n mooi (7.5.1) ... Sy was nie vet en rond soos (7.5.2) ... se ouma nie. Teen Ouma het daardie (7.5.3) ... sommer goedkoop gelyk. Lets, Kallie se (7.5.4) ... het ook groot respek vir Ouma gehad.

Lees die uittreksel hieronder en beantwoord die vrae.

Miskien moet hy Oupa se dokter bel en vra wat aangaan. Jasper se oupa is juis sommer so skielik dood. Oupa Karel is nou wel nog jonk en sterk, maar sê nou hy makeer iets? Kallie weet nie hoekom hy nou opeens van al sy maats se oupas se skielike siektes en onverwagte begrafnisse onthou nie, maar die gedagtes sak hom toe soos bye 'n stuk waatlemoen.

Hy trap vinniger en moet lelik uitswaai vir 'n roekelose student. Ry seker sy pa se kar, dink Kallie wrewelrig. Wens hy het al 'n lisensie gehad ...

7.6 Kallie het gesien dat Ouma hartseer was omdat Oupa **siek was**.

7.6.1 Is hierdie stelling WAAR of ONWAAR? (1)

7.6.2 Motiveer jou antwoord op VRAAG 7.6.1. (1)

7.7 Kies die KORREKTE antwoord.

Skryf slegs die vraagnommer en die letter (A-D) neer.

Kallie se pa het hom fliek toe gestuur ...

- A omdat Kallie verveeld by die huis was.
- B want Kallie het hom onnodig oor Oupa bekommer.
- C sodat Oupa alleen kon rondry.
- D want Kallie het sy ouma heeldag gehelp. (1)
- 7.8 Kies die KORREKTE antwoord.

Skryf slegs die vraagnommer en die letter (A-D) neer.

Wanneer Oupa nie tuis was nie, het Ouma vir Kallie gesê dat Oupa ...

- A dokter toe gegaan het.
- B plaas toe gery het.
- C gaan visvang het.
- D bakgoed gaan koop het.

(1)

7.9 Kies elke keer die inligting uit KOLOM B om by die karakter in KOLOM A te pas. Skryf slegs die vraagnommer (7.9.1–7.9.4) en die letter (A–E) neer, bv. 7.9.5 F.

KOLOM A	KOLOM B
7.9.1 Jack	A was nooit negatief teenoor ander nie.
7.9.2 Kallie se pa	B. Latter H. H. Brand Latter I
7.9.3 Bertie	B het besluit hulle moes koeldrank kry.
7.9.4 Tant Elise	C het vir Oupa voetjie-voetjie sien speel.
	D was bang Oupa sou van Ouma skei.
	E het geglo Oupa sou tot sy sinne kom.

 $(4 \times 1)$  (4)

(1)

- 7.10 Voltooi: Jack noem Kallie se oupa 'n "sugardaddy", want hy stel in ... belang.
- 7.11 Aan die einde van die verhaal gebruik Kallie woorde soos "Ag" en "man" as hy sy oupa aanspreek. Waarom, dink jy, het hy sulke woorde gebruik? (1)

(4)

7.12	7.12.1	Hoe het jy gevoel toe jy gelees het hoe bekommerd Kallie oor sy oupa was?	(1)
	7.12.2	Motiveer jou antwoord op VRAAG 7.12.1.	(1) <b>[20]</b>

**OF** 

#### VRAAG 8: SOLDATE IN WIT KLERE - Hannah Bell

Lees die uittreksel hieronder en beantwoord die vrae.

Maar oom Labu kon sien die man lyk sleg en hy het gou die bakkie uitgetrek om dorp toe te ry.

"Hou jou oë op die pad, Nevil, en kyk of jy êrens los grond sien. Dit kan beteken daar is 'n landmyn begrawe. En hou die bosse aan die kant van die pad ook dop, of jy nie 'n geweerloop sien blink nie."

Toe hulle van die plaaspad af in die teerpad wat dorp toe loop, indraai, het oom Labu asem opgehou dat hulle dalk êrens in 'n hinderlaag kan inry.

8 1	In watter land was daar oorlog?	(1)
0.1	in watter land was daar oonlog:	(1)

- 8.2 Wat is daardie oorlog genoem? (1)
- 8.3 Waarom was dit onveilig om tydens dié oorlog in plaashuise te bly? (1)
- 8.4 Voltooi die volgende sinne deur die woorde in die lys hieronder te gebruik. Skryf slegs die vraagnommer (8.4.1–8.4.4) en die woord neer.

eetkamer; Fort Victoria; kombuis; buurplaas; Wanedzi; hospitaal

Oom Labu het alleen teruggery (8.4.1) ... toe. Hy was hartseer oor die oorlog en oor Nevil wat hy in die (8.4.2) ... moes los.

Hy het die werk op die werf afgehandel en in die huis ingegaan. Hy het al die deure en vensters toegemaak en die Agric-Alert het op sy plek in die (8.4.3) ... gestaan. Maar hy kon nie die Weermag se hulp vra nie en dit was te gevaarlik om na die (8.4.4) ... toe te ry.

8.5 Watter werk het Nevil gedoen? (1)

8.6 Kies die KORREKTE antwoord. Skryf slegs die vraagnommer en die letter (A–D) neer.

Die dokter wou nie hê Nevil moes dié dag huis toe gaan nie, want Nevil ...

- A het 'n vreeslike hoofpyn gehad.
- B het 'n hoë koors gehad.
- C is met malaria gediagnoseer.
- D was baie siek en bleek. (1)

Lees die uittreksel hieronder en beantwoord die vrae.

Heen en weer, op en af het hy gestap, tog het die onrus net vererger. Dit het verander in 'n vrees wat hom aan die keel gegryp het sodat hy na sy asem gehyg het. Wat makeer my, het hy gedink. Ek, 'n uitgegroeide mansmens, gewoond om leeus te jag, wat nou soos 'n klein seuntjie bewe.

8.7 Kies die KORREKTE antwoord. Skryf slegs die vraagnommer en die letter (A–D) neer.

Een van die Weermagreëls was om nie alleen te bly nie. Wat was 'n ander belangrike reël?

- A Jy mag nie met vryheidsvegters gepraat het nie.
- B Niemand mag na skemer uitgegaan het nie.
- C Inwoners mag nie op die vyand geskiet het nie.
- D Die Agric-Alert moes nie saans gebruik word nie.

8.8 Kies elke keer die inligting uit KOLOM B om by die karakter(s) in KOLOM A te pas. Skryf slegs die vraagnommer (8.8.1–8.8.4) en die letter (A–E) neer, bv. 8.8.5 F.

	KOLOM A		KOLOM B
8.8.1	Polisiekaptein	Α	moes vir die polisie die spore kom wys het.
8.8.2	Gevangene	В	was die eienaar van die
8.8.3	Oom Labu		Wanedzi-plaas.
8.8.4	Vryheidsvegters	С	het landmyne gebruik.
		D	het 'n bose gees in die lug aangevoel.
		Е	het kom vertel van die buurman se dood.

 $(4 \times 1)$  (4)

(1)

- 8.9 Waaroor het oom Labu skuldig gevoel toe hy teruggedink het aan sy verlede? (1)
- 8.10 Oom Labu het daardie aand nadat hy die Weermagreëls oortree het, **dadelik** aan die slaap geraak.
  - 8.10.1 Is hierdie stelling WAAR of ONWAAR? (1)
  - 8.10.2 Motiveer jou antwoord op VRAAG 8.10.1 met 'n rede uit die kortverhaal. (1)
- 8.11 Watter les het jy geleer uit oom Labu se optrede toe hy so bang geword het? (1)

8.12	Waarom word die engele in hierdie verhaal <b>soldate</b> in wit klere genoem?	(1)

8.13 Oorlog bring net hartseer vir 'n land. Motiveer hierdie stelling.

(1) **[20]** 

TOTAAL AFDELING D: 20 GROOTTOTAAL: 120